

**Oqaasiliortut tallimangornermi juunip ulluisa 15-ianni
2001, nal. 13.00 ataatsimiinnerannit imaqarniliaq**

Peqataasut: Carl Chr. Olsen, Alibak Steenholdt, Nuka Møller, Kelly Berthelsen, allatsigalugu Kristine Olsvig. Sofia Geisler kingusinnerusukkut takutissanngikkuni peqataasinnaanani nalunaaruteqarsimavoq.

Oqaluuserisat:


1. Oqaluuserisassat qulequtaannik akuersineq.
2. Juunip ulluisa aallaqqaataanni ataatsimiinnermit imaqarniliamut akuersineq.
3. *Atortorissaarutilerisoq aamma namminersortunngorsaaneq.*
4. Qarasaasiarsornermi taaguutit.
5. Oqaatsit nalornissutaasartut.
6. Robert Petersenip Nordisk Ministerråds sprogpolitiske referencegruppemit, Den centrale videnskabsetiske komtêmiillu ilaasortatut tunuarnerminik allakkatigut nalunaarutai.
7. Taasariaqartut allat.

- 1 pillugu -

Oqaluuserisassat sisamaattut qarasaasiarsornermi taaguutit, arfineq aappaattullu Robert Petersenip tunuarnerminik nalunaarutai ilanngunneqareermata oqaluuserisassat akuerineqarput.

- 2 pillugu -

KB.: Imaqarniliap quppernerisa sisamaanni, *sallunaveeqqut* pillugu oqaaseqarnerminut atatillugu, siunersuuteqarneragaanini eqqunnginnerarpaa,



imatulli paaseqqullugu oqaaseqarsimalluni; tassa nammineq oqaaseq *sallunaveeqqut* allanngortikkusunnginnamiuk, oqaaserli *salloqittarnaveeqqutit* nassuiaatitaqartillugu paasineqarnissaanik erseqqissaasiorfigisimallugu oqaatigaa.

AS.: Inuit uninngatitaasut *sallunaveeqqutit* oqaatigineqarsinnaanngillat, iliorneq neriorsueqatiinnermik imaluunniit isumaqatigiissuteqarnermik imaqaanngimmat pinngitsaaliinerullunili. *Pantili* isumaqatigiissuteqarnermut tunngavoq tassungalu oqaaseq *sallunaveeqqut* naapertuunnerulluni.

CCO.: Oqaaseq *siorasaarutit* nammineq siunnersuutigisimagaluarpa, paasilluguli oqaaseq isumaanut sakkukigineqartoq.

KB.: *Sallunaveeqqut*-mut taarsiullugu siunnersuutigaa *pinngitsaaliiniutit* *tiguaaneq*.


Siunnersuut Oqaasiliortunit peqataasunit tamanit akuerineqarpoq aalajangerneqarlunilu aalajangerneq AS-imit allagaqaatigineqassasoq.

- 3 pillugu -

Atortorissaarutilerisoq aamma *namminersortunngorsaaneq* Sofia Geislerip peqataatillugu eqqartorneqarnissaannut kinguartinneqarput.

- 4 pillugu -

CCO.: Kirsten Gade Jones taaguutit ataasiakkaat, pingaartumik qarasaasiarsornermi taaguutit atorneqartartut, kalaallisut qanoq taaguuteqarnersut paasiniaalluni saaffiginnissuteqarsimavoq.



Saaffiginnissut tunngavigalugu Oqaasiliortut taaguutitut ataasiakkaanut makku taaguutissatut aalajangiuppaat:

Intervaltræning: kiiarneq.

Markeringspen: allaat malunnarsaat.

Majroe: ruua.

Marathonløb: marathonerneq.

Mødregruppe: anaanat.

Tidtager: sekundilersuisoq.

Windsurfing: windsurfingi.

Workout: timigissarneq.

Aktivere: aallartippaa.

Computerskærm: umeruaq.

Dobbeltklik: marloriarlugu toorlugu.

Enkeltklik: ataasiarlugu toorlugu.

Foretrukken: atornerusaq.

Gemme: toqqorpaa.

Gendanne: utertippaa.

Genvej: iserasuaat.

Genvejsikon: iserasuartaat.

Indkode: immiuppaat.

Installation: ikkussineq.

Internetadresse: nittartakkap adressia.

Knap: attataasaq.

Klik på højre knap: attataasaq talerperleq toorlugu.


Klik på venstre knap: attataasaq saamerleq toorlugu.

Kontrolpanel: aqutsivik.

Kopiere: nuutsippaa.

Maksimere: allisippaa.

Mappe: mappi.



Menu: periarfissat.

Minimere: millisippaa.

Omdøber: allamik aterpaa.

Opretter: pilersippaa.

Opretter en genvej: iserasuaat pilersippaa.

Pauseskærm: pauseskærmi.

Proceslinje: sumiiffissiut.

Sikkerhedskopiering: tammarnaveersaaneq.

Skrivebord: saqqaa.

Skærbillede: saqqumisoq.

Sletter: nunguterpaa.

Stifinder: ujaasiffik.

Systemfil: filit pingaarnerit.

Tekstbehandlingsprogram: allakkiuut.

Tekstfelt: allaffissaq.

Tilbehør: atortut.

Udklipsholder: katiterut.

Undermenu: periarfissat allat.

Vindue: igalaasaq.

Webcrawler: webcrawleri.

Webside: nittartagaq.


Widescreen: widescreeni.

Surfing: interneterusaarneq.

@: a-jusaq.

©: c-usaq.

Attachment: ilanngussaq.



CCO.: PAARISA-mi imminorniarnermut pinaveersaartitsiniarnermi sullissisut qallunaatut oqaatsit atukulanerusut kalaallisut taaguusernissaat kissaatigisimavaat.

Oqaasiliortut makku taagutissatut aalajangiuppaat:

Livsglæde: inuunermik qujamasuuteqarneq/nuannarisaqarneq.

Livsmød: inoorusunneq.

Livskvalitet: inuunerup qanoq issusia.

Bisekualitet: tamanoortoq/tamanut tiingasartoq.

- 6 pillugu -

CCO.: Robert Petersenip ataatsimiititalianit ilaasortaaffimminit tunuarneranut atatillugu, Nordisk Ministerrådip sprogpolitiske referencegruppemut sinniisua CCO toqqaannartumik ilaasortanngorpoq.

Oqaasiliortunit CCO-imut sinniisussatut Nuka Møller toqqarneqarpoq.

- 7 pillugu -

CCO.: Ilisimatitsissutitut oqaatigaa, oqaatsit pillugit politikkimik innersuusiorneq juunip naanerani naalakkersuisumut tunniunneqartussa q suleqatigiissitap siulittaasuata allattaatalu maanna inaarsarlugu ulapputigigaat.

Aasaanerani sulinngiffeqartoqarnissaa peqqutigalugu Oqaasiliortut aggustip qeqqata kingorna aatsaat ataatsimeeqqissapput. Tamanna taamanikkussamut erseqqinnerusumik Oqaasileriffimmit Oqaasiliortut ilaasortaannut nalunaarutigineqassaaq.

Carl Chr. Olsen
Siulittaasoq

Kristine Olsvig
Allatsi